



Grantiau Gerddi Cymunedol y National Garden Scheme

Canllawiau i ymgeiswyr

Mae'n bwysig eich bod yn darllen y Canllawiau hyn cyn gwneud eich cais. Gall methu â gwneud hynny olygu na fydd eich cais yn llwyddiannus. Mae Gweinyddwr y cynllun (manyion cyswllt isod) ar gael i roi adborth a chynghor yn ystod y broses ymgeisio. Caiff ceisiadau cymwys eu hasesu gan banel o Ymddiriedolwyr y National Garden Scheme.

1. Amserlen ymgeisio

Bydd ceisiadau'n agor ar wefan y National Garden Scheme (www.ngs.org.uk) ddydd Mawrth 29 Medi 2026 ac yn cau am 12 hanner dydd ar 30 Hydref 2026. Argymhellir yn gryf na ddylech adael eich cais tan y funud olaf. Ni fydd ceisiadau hwyr yn cael budd adborth gan y Gweinyddwr ar unrhyw wallau neu anghysondebau posibl.

Ni fydd unrhyw geisiadau a gyflwynir ar ôl 12 hanner dydd ar 30 Hydref 2026 yn cael eu hystyried. Rhoddir gwybod i ymgeiswyr drwy e-bost a ydynt wedi bod yn llwyddiannus ym mis **Ebrill 2027**.

2. Fformat y cais

Dim ond drwy'r ffurflen ar-lein sydd ar gael ar wefan y National Garden Scheme y gellir cyflwyno ceisiadau. Ni fydd unrhyw fformat arall yn cael ei ystyried.

Pan ofynnir amdanynt, defnyddiwch gyfeiriadau e-bost dilys yn unig gan y bydd cyfathrebiadau yn y dyfodol yn cael eu hanfon yno. **Sylwer: dim ond y 300 cyflwyniad cymwys cyntaf fydd yn cael eu hystyried ar gyfer grant.**

3. Cymhwysedd ceisiadau

Dim ond i gyrff yng Nghymru, Lloegr, Gogledd Iwerddon ac Ynysoedd y Sianel y rhoddir grantiau. Nid yw awdurdodau lleol (gan gynnwys cynghorau plwyf) yn gymwys i wneud cais.

Ni fydd ceisiadau gan grwpiau a fu'n llwyddiannus wrth sicrhau Grant Gardd Gymunedol gan y National Garden Scheme yn y flwyddyn flaenorol yn cael eu hystyried chwaith.

Rhaid i ymgeiswyr fod yn grŵp cymunedol sydd wedi'i sefydlu'n llawn, yn elusen gofrestredig neu'n Gwmni Buddiannau Cymunedol (CIC) gyda chyfrif banc gweithredol nad yw'n gyfrif personol.

Rhaid i gais ymwneud â gardd gymunedol bresennol neu arfaethedig, neu safle tebyg. Ni ddylai fod unrhyw amheuaeth ynghylch mynediad i'r lle (megis cyfyngiadau a osodir oherwydd perchnogaeth gan gorff arall).



4. Grantiau

Mae grantiau unigol rhwng isafswm o £1500 ac uchafswm o £5000. Rhaid i bob cais eitemeiddio manylion y costau y bwriedir eu talu.

5. Cwblhau'r ffurflen gais

Mae angen ichi ddweud pam yr ydych yn credu y dylid ystyried eich prosiect ar gyfer Grant Gardd Gymunedol. Mae'n bwysig disgrifio'r prosiect yn glir, gan nodi'r manteision tymor byr a thymor hir a ddisgwylir i gymuned, a faint o bobl fydd yn cael effaith gadarnhaol. Bydd yr asesiad yn canolbwyntio ar gadernid garddwriaethol, cynaliadwyedd hirdymor a chynllunio'r prosiect.

Mae'r National Garden Scheme wedi ymrwymo i gynaliadwyedd mewn garddio, felly mae'n bwysig bod eich cynnig yn dangos y byddwch yn defnyddio dulliau garddio cynaliadwy. Rydym hefyd yn dathlu bioamrywiaeth, felly bydd dangos y bydd eich prosiect yn annog bioamrywiaeth a bywyd gwyllt, er nad yw'n hanfodol, yn fantais.

Rydym yn deall mai'r elfen "gymunedol" o ymgysylltu â phobl a chymdeithasu yw'r peth pwysicaf ar gyfer y prosiectau hyn. Er mwyn annog hynny, gall eich cais gynnwys, er enghraifft, eitemau i ddarparu lluniaeth, ond **nid nwyddau traul** (e.e. brechdanau, diodydd ac ati). Fel gyda phob elfen arall, dylid egluro'r diben.

Wrth gwblhau'r cais, mae'n ofynnol ichi ddarparu dadansoddiad manwl o'r costau yr ydych yn ceisio cyllid ar eu cyfer. Ni fydd ceisiadau heb wybodaeth ariannol ategol, neu sy'n defnyddio amcangyfrifon cyfandaliad, yn cael eu hystyried. Dylid cael a chadw derbynebaw am wariant tan ar ôl i'r prosiect gael ei gwblhau. Dylech hefyd nodi os ydych wedi cael, neu'n gwneud cais am, gyllid o rywle arall, gan roi'r swm a'r ffynhonnell, gan gynnwys nawdd neu gyfraddau deunyddiau ffafriol gan gyflenwyr.

Mae'r canlynol yn rhestr enghreifftiol, ond nid gyflawn, o eitemau a all fod yn gymwys i gael cyllid:

- Planhigion a chynwysyddion
- Deunyddiau ar gyfer gwelyau blodau neu lysiau a thirlunio caled arall
- Tai gwydr, twneli polythen a siediau
- Seddi
- Offer llaw a rhai offer garddio pŵer (e.e. torrwyr gwair ymyl/strimwyr)
- Deunyddiau ar gyfer darparu lluniaeth

Nid yw'r eitemau canlynol yn gymwys i gael cyllid:

- Cyflogau neu dâl
- Dim ond mewn amgylchiadau eithriadol y bydd contractwyr/llafur allanol yn cael eu hystyried
- Treuliau gwirfoddolwyr



- Costau hyrwyddo (e.e. cynhyrchu ac argraffu taflenni) neu arwyddion
- Llogi offer mecanyddol mawr (e.e. peiriant malu mawr, JCB ac ati)
- Cludiant i ymweld â gerddi
- Yswiriant
- Ffioedd cyrsiau addysgol neu gostau hyfforddi

Rhaid i geisiadau gynnwys naill ai lluniadau clir a/neu ffotograffau sy'n dangos safle cyfan y prosiect arfaethedig. Rhaid iddynt hefyd gynnwys arwydd o arwynebedd/maint y safle. Gall methu â darparu unrhyw un o'r rhain arwain at beidio ag ystyried eich cais.

Rhaid ichi gwblhau pob adran benodedig. Ni fyddwch yn gallu cyflwyno'r ffurflen gais nes bod pob tudalen wedi'i chwblhau. Gallwch gadw'r ffurflen wedi'i chwblhau'n rhannol a dychwelyd ati yn ddiweddarach.

Lle bo'n berthnasol, mae faint o destun sydd ar gael ar gyfer atebion wedi'i gyfyngu. Peidiwch â chynnwys deunydd ychwanegol; ni chaiff ei ystyried yn yr asesiad.

Drwy gyflwyno'r ffurflen, rydych yn ymrwmo i gwblhau'r prosiect fel y'i nodir yn y cais. Gall newid cwrpas neu leoliad y prosiect, methu â chwblhau o fewn y dyddiadau ar y ffurflen gais, neu unrhyw newid sylweddol arall heb ganiatâd ymlaen llaw gan y Gweinyddwr, arwain at gais i dychwelyd y grant yn llawn. Rydych hefyd yn ymrwmo i gynorthwyo'r National Garden Scheme i roi cyhoeddusrwydd i'ch prosiect.

Cadwch gopi o'r cyflwyniad wedi'i gwblhau.

6. Cydnabod eich Grant Gardd Gymunedol

Bydd y National Garden Scheme yn cyflwyno plac coffaol pan fydd eich prosiect wedi'i gwblhau, neu, os cytunir, bron wedi'i gwblhau. **Sicrhewch eich bod yn hysbysu gweinyddwr y cynllun pan fydd y prosiect wedi'i gwblhau.** Gofynnwn i hyn ddigwydd o fewn blwyddyn i gadarnhau eich grant. Bydd y plac yn cael ei gyflwyno gan gynrychiolydd o'r National Garden Scheme mewn seremoni ar y safle ar ddyddiad sy'n gyfleus i'r ddwy ochr. Byddem yn gobeithio denu diddordeb y cyfryngau lleol yn y grant a'r digwyddiad.

7. Cofnodi eich Prosiect Gardd Gymunedol

Hoffem gael y cofnodion ffotograffig gorau posibl o'r prosiectau rydym yn eu hariannu. Os bydd eich prosiect yn llwyddiannus, hoffem ichi sicrhau eich bod yn tynnu ffotograffau o'r ansawdd gorau posibl i gofnodi cynnydd y prosiect. Rhaid cyflwyno diweddariad ar gynnydd y prosiect yn ystod y tri mis cyntaf, ar ffurflen a ddarperir, i'r Gweinyddwr.

Rydym yn chwilio am gyfuniad o ffotograffau 'cyn ac ar ôl', yn ddelfrydol yn dangos pobl naill ai'n gweithio ar y prosiect neu'n mwynhau ei fanteision. Hoffem ddefnyddio'r rhain i roi



cyhoeddusrwydd i gynllun Grantiau Gerddi Cymunedol. Mae angen eich sicrwydd y byddwch wedi ceisio a chael caniatâd unrhyw bobl yn y ffotograffau i ni eu defnyddio yn y ffordd honno.

8. Agor ar gyfer y National Garden Scheme

Ar ôl ei gwblhau, byddem yn gofyn ichi ystyried agor eich gardd neu gynnal Great British Garden Party i godi arian ar gyfer yr elusennau nyrsio ac iechyd rydym yn eu cefnogi.

Os oes gennych unrhyw ymholiadau, cysylltwch â Gweinyddwr y cynllun grantiau, Vince Hagan: vince.hagan@ngs.org.uk, Ffôn: 01483 213905.